

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 24. sjednici, održanoj 11.10.2019. godine, d o n o s i

ZAKLJUČAK

I.

Prihvata se Izjašnjenje Kantonalnog pravobranilaštva Zenica broj: M-73/19 od 08.10.2019. godine, povodom Informacije Ministarstva za ljudska prava i izbjeglice Bosne i Hercegovine, Ured zastupnika/agenta Vijeća Ministara Bosne i Hercegovine pred Evropskim sudom za ljudska prava broj: 11-Ap-8/19-I-60/19 od 11.09.2019. godine i čini sastavni dio ovog zaključka.

II.

Vlada Zeničko dobojskog kantona predlaže nastavak postupka pred Evropskim sudom za ljudska prava po aplikacijama Muhović protiv Bosne i Hercegovine AP broj: 40841/13 i 1 drugi u sklopu kojeg sud razmatra i aplikaciju Lekić protiv Bosne i Hercegovine AP broj: 78154/17.

III.

Zadužuje se Ministarstvo za pravosuđe i upravu Zeničko-dobojskog kantona da Izjašnjenje iz tačke I. ovog zaključka dostavi Ministarstvu za ljudska prava i izbjeglice Bosne i Hercegovine, Ured zastupnika/agenta Vijeća Ministara Bosne i Hercegovine pred Evropskim sudom za ljudska prava.

IV.

Zaključak stupa na snagu danom donošenje.

Broj: 02-_____/19
Datum, 11.10.2019. godine
Z e n i c a

PREMIJER

Mirza Ganić

DOSTAVLJENO:

1x Ministarstvu za pravosuđe i upravu,
1x Kantonalno pravobranilaštvo Zenica (putem Ministarstva),
1x Ministarstvo za ljudska prava i izbjeglice Bosne i Hercegovine,
Uredu zastupnika/agenta Vijeća ministara Bosne i Hercegovine
pred Evropskim sudom za ljudska prava (putem Ministarstva),
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO PRAVOBRANILAŠTVO
ZENICA**

Broj: M-73/19
Zenica, 08.10.2019. godine

4724

ZENIČKO-DOBOJSKI KANTON			
PRIMLJENO:		10-10-2019	
Org. jedinica	Klasifik. oznaka	Redni broj	Broj priloga
DP	06	14016	19

**ZENIČKO - DOBOJSKI KANTON
MINISTARSTVO ZA PRAVOSUĐE I UPRAVU
ZENICA**

Predmet: Postupak pred Evropskim sudom za ljudska prava u predmetu Muhović protiv Bosne i Hercegovine, ap.br. 40841/13 i dr (Lekić protiv BiH ap.br. 78154/17)
– izjašnjenje za Ured zastupnika/agenta Vijeća ministara BiH - dostavlja se

Povodom Informacije Ministarstva za ljudska prava i izbjeglice, Ured zastupnika/agenta Vijeća ministara BiH pred Evropskim sudom za ljudska prava, Broj 11-Ap-8/19-I-60/19 od 11.09.2019. godine, koja se odnosi na postupak pred Evropskim sudom za ljudska prava u predmetu Muhović protiv Bosne i Hercegovine, AP br. 40841/13 i 1 dr., u sklopu kojeg Sud razmatra i aplikaciju Lekić protiv BiH, ap.br. 78154/17, zbog neizvršavanja pravosnažnih i izvršnih presuda domaćih sudova, Kantonalno pravobranilaštvo Zenica je izvršilo uvid u navedene aplikacije i u službeni evidenciju Kantonalnog pravobranilaštva Zenica, te konstatujemo slijedeće:

1. Aplikacija MUHOVIC TAHIR iz Zenice, zaposlenik J.U. O.Š. "Aleksa Šantić" Zenica, kojom aplikant predlaže Evropskom sudu za ljudska prava da usvoji aplikaciju i potvrdi Odluku Ustavnog suda BiH, koji je u svojoj odluci utvrdio povrede i pravo na pravično suđenje iz člana II/3.e) Ustava Bosne i Hercegovine i člana 6.stav.1 Evropske konvencije za zaštitu ljudskih prava i osnovnih sloboda i pravo na imovinu iz člana II/3.k) Ustava BiH i člana 1. Protokola 1 uz Evropsku konvenciju, te obaveže tuženu državu BiH (Vlada ZDK) da u roku od tri mjeseca od dana kada presuda postane konačna, na ime pravične naknade isplati aplikantu:
 - na ime nematerijalne štete novčani iznos od 15.000,00 Eura, pretvoren u KM, prema važećem kursu na dan namirenja,
 - na ime materijalne štete ukupan novčani iznos od 49.261,99 KM i to:
 - novčani iznos od 15.071,79 Eura (u skladu sa presudom Vrhovnog suda FBiH) pretvoren u KM prema važećem kursu na dan namirenja
 - na ime zakonske zatezne kamate na glavni dug iznos od 63.896,52 KM ili 32.767,44 Eura, za period od 15.02.2003. god., pa do 25.04.2013.god.
 - na ime troškova postupka 1.423,76 Eura,

ukazuje na neizvršenje

- presude Općinskog suda u Zenici broj 043-0-P-06-000099 od 20.03.2007.godine, kojom je obavezana tužena škola JU O.Š. "Aleksa Šantić" Zenica da tužitelju (Muhović Tahir iz Zenice) isplati ukupan iznos od 29.390,00 KM sa zakonskim zateznim kamatama počev od 09.01.2006. godine do konačne isplate, te da mu naknadi parnične troškove u iznosu od 2.776,34 KM, sve u roku od 15 dana;
- presude Kantonalnog suda u Zenici br.004-0-Gz-07-000 936 od 23.06.2008. godine kojom je žalba tužene i umjesača na strani tužene djelimično uvažena, prvostepena presuda preinačena tako da je tužena JU O.Š. "Aleksa Šantić" Zenica obavezana da tužitelju isplati iznos od 9.701,70 KM sa zakonskom zateznom kamatom počev od 09.01.2006.godine do konačne isplate, te da mu naknadi troškove postupka u iznosu od 916,20 KM, a sve u roku od 15 dana pod prijetnjom izvršenja. U preostalom dijelu žalba tuženog i umjesača je odbijena, dok je žalba tužitelja u cjelosti odbijena;
- presude Vrhovnog suda FBiH, broj 070-0-Rev-08-001294 od 09.02.2010.godine, kojom je revizija tužitelja uvažena i obje nižestepene presude preinačene tako što je tuženoj Školi naloženo da tužitelju isplati novčani iznos od 29.390,00 KM sa zakonskom zateznom kamatom počev od dospelosti svakog pojedinačnog mjesečnog iznosa pa do isplate, uz naknadu parničnih troškova u iznosu od 2.776,34 KM, a sve u roku od 30 dana.
- Rješenja Općinskog suda u Zenici br. 043-0-1-08-001 014 od 10.11.2008.godine, kojim je usvojen prijedlog za izvršenje za iznos glavnog duga od 9.701,70 KM i određeno da se naplata tražbine apelanta

izvrši pljenidbom novčanih sredstava izvršenika koja se nalaže na računu Trezora Zeničko-dobojskog kantona iz kojeg se finansira izvršenik JU Osnovna škola "Aleksa Santić" Zenica (po prigovoru Zeničko-dobojski kanton, kao trećeg lica, od 21.11.2008. god. protiv rješenja o izvršenju od 10.11.2008. godine, Općinski sud u Zenici dana 10.11.2008. god. donosi Zaključak kojim podnosioca prigovora trećeg lica ZDK upućuje da svoja prava ostvari u parnici. Po tužbi Zeničko-dobojskog kantona od 19.05.2009.god. kojom je traženo da se utvrdi da je nedopušteno izvršenje sa računa ZDK, koji nije obavezan izvršnom ispravom – presudom, Općinski sud u Zenici je donio Rješenje od 30.06.2009. kojim je usvojio mjeru osiguranja tužioca-predlagača ZDK, te odlučio da se izvršenje odloži do pravosnažno okončanog parničnog postupka. Protiv navedenog rješenja aplikant je uložio žalbu 03.07.2009.god, koju je Kantonalni sud u Zenici Rješenjem br. 43 O P 020398 09 Gž od 23.07.2009.god odbio. Pozivom na odluku, Ustavnog suda BiH AP 1472/07 od 22.10.2009.godine, kojom je Ustavni sud u drugom predmetu odlučio da se dozvoljava izvršenje sa žiro računa Zeničko-dobojskog kantona, Zeničko-dobojski kanton kao tuzitelj je povukao tužbu podnesenu sudu dana 19.05.2009.godine, pa je Općinski sud u Zenici dana 30.03.2010.godine donio Rješenje br. 43 O P 020298 09 P, kojim se smatra da je tužba u ovoj pravnoj stvari povučena, a dana 10.05.2010. godine donio Rješenje kojim se ukida mjera osiguranja, te su rješenjem ukinute sve provedene radnje i postupak je obustavljen).

- Odlukom Ustavnog suda BiH AP 2972/09, od 13.06.2012. godine, usvojena je apelacija Muhović Tahir, a utvrđena je povreda prava na pravično suđenje iz člana II/3.e) Ustava BiH i člana 6. stav 1. Evropske konvencije za zaštitu ljudskih prava i osnovnih sloboda, kao i prava na imovinu iz člana II/3 .k) Ustava BiH i člana 1. Protokola broj 1 uz Evropsku konvenciju za zaštitu ljudskih prava i osnovnih sloboda, zbog neizvršenja Presude Kantonalnog suda u Zenici broj 43 O P 020398 09 Gž od 23.07.2009. godine, te je naloženo Vladi Zeničko-dobojskog kantona da izvrši svoje ustavne obaveze i osigura poštivanje ljudskih prava tako što će preduzeti sve mjere s ciljem da aplikant Muhović Tahir, koji posjeduje izvršne sudske odluke na teret budžetskih sredstava Zeničko-dobojskog kantona naplati svoje potraživanje u razumnom roku. Ustavni sud BiH je dana 16.01.2013. godine donio Rješenje kojim se utvrđuje da Vlada Zeničko-dobojskog kantona nije izvršila odluke Ustavnog suda BiH br. AP 2110/08 od 12.10.2011.god., AP 584/09 od 9.11.2011. god., AP 545/09 od 23.02.2012. god., AP 1316/09 od 14.03.2012. god., **AP 2972/09 od 13.06.2012. god.**, AP 2525/09 od 13.06.2012. god., AP 801/09 od 18.04.2012. god., AP 633/09 od 18.04.2012. god. i AP 1209/09 od 18.04.2012. god., te je u skladu s čl. 74. stav 6. Pravila Ustavnog suda BiH, Rješenje dostavljeno Tužilaštvu BiH.

Prema Izvještaju ASA Banke DD Sarajevo (pravnog sljednika IKB dd Zenica) od 22.01.2019. godine, Rješenje o izvršenju Broj 043-O-1-08-001 014 od 10.11.2008. godine (Muhović Tahir) nalazi na spisku rješenja za prinudnu naplatu na 356. mjestu.

2. Aplikacija LEKIĆ DRINKA iz Tešnja, kojom aplikantica pozivom na čl. 6. Stav 1. Evropske konvencije za zaštitu ljudskih prava i osnovnih sloboda, predlaže Evropskom sudu za ljudska prava da obaveže državu Bosnu i Hercegovinu da joj isplati naknadu nematerijalne štete u iznosu od 10.000,00 EUR zbog nemogućnosti raspolaganja novčanim sredstvima stečenim po osnovu radnog odnosa prije 2004. godine, odnosno u periodu od podnošenja tužbe 06.12.2006. godine pa do danas, to jeste u periodu dužem od deset godina i zbog neopravdane dužine izvršnog postupka pred Općinskim sudom u Zenici, ukazuje na neizvršenje
 - Presude Općinskog suda u Tešnju, Broj: 43 O P 006181 06 P od 19.01.2009. godine, kojom je obavezan tuženi Zeničko-dobojski kanton da tužiteljima (kao bivšim sudijama) - Lekić Hamdi i Lekić Drinki na ime razlike naknada za topli obrok i regres, za period 2003. – 2004. godine isplati ukupan iznos od 8.507,80 KM, od čega Lekić Hamdi iznos od 4.369,80 KM i Lekić Drinki iznos od 4.138,00 KM, sve sa zakonskom zateznom kamatom počev od 07.12.2006. godine do isplate i ukupnim troškovima parničnog postupka u iznosu od 1.415,70 KM, a tužitelj Lekić Hamdi je odbijen sa dijelom tužbenog zahtjeva za isplatu otpremnine zbog odlaska u penziju u iznosu od 7.473,80 KM kao neosnovanim;
 - Presude Kantonalnog suda u Zenici, Broj: 43 O P 006181 09 Gž od 17.03.2010. godine, kojom je preinačena Presuda Općinskog suda u Tešnju, Broj: 43 O P 006181 06 P od 19.01.2009. godine, tako što je tuženi Zeničko-dobojski kanton obavezan da tužitelju Lekić Hamdi umjesto iznosa od 4.369,80 KM isplati iznos od 3.665,80 KM, a tužiteljici Lekić Drinki, umjesto iznosa od 4.138,00 KM, isplati iznos od 3.623,00 KM, sve sa zakonskom kamatom počev od 07.12.2006. godine, a na ime troškova parničnog postupka tuženi je obavezan isplatiti tužiteljima, umjesto iznosa od 1.415,70 KM, iznos od 1.330,08 KM.
 - Rješenja o izvršenju Općinskog suda u Zenici broj 43 O P 006181 10 I od 11.05.2010. godine, Rješenja Općinskog suda u Zenici broj 43 O P 006181 15 I 2 od 02.04.2015. godine (promjena sredstva i predmeta izvršenja – pokretne stvari - vozila),

Rješenje Kantonalnog suda u Zenici, broj 43 0 P 006181 15 Gž 2 od 30.09.2015. godine, kojim je potvrđeno Rješenje broj 43 0 P 006181 15 I 2 od 02.04.2015. godine,
Rješenja Općinskog suda u Zenici broj 43 0 P 006181 15 I 2 od 29.11.2016. godine (putnička motorna vozila izuzeta od izvršenja),
Rješenje Kantonalnog suda u Zenici, broj 43 0 P 006181 17 Gž 2 od 13.03.2017. godine, kojim je potvrđeno Rješenje broj 43 0 P 006181 15 I 2 od 29.11.2016. godine;

- Odluka Ustavnog suda BiH broj AP 3155/16 od 11.10.2017. godine, kojom je usvojena apelacija Lekić Drinke i utvrđena povreda prava na pravično suđenje iz člana II/3.e) Ustava BiH i člana 6. stav 1. Evropske konvencije za zaštitu ljudskih prava i osnovnih sloboda i prava na imovinu iz člana II/3.k) Ustava BiH i člana 1. Protokola broj 1 uz Evropsku konvenciju za zaštitu ljudskih prava i osnovnih sloboda zbog neprovođenja Rješenja o izvršenju Općinskog suda u Zenici br. 43 0 P 006181 10 1 od 11. maja 2010. godine, te je naloženo Vladi Zeničko-dobojskog kantona da u skladu sa ranijim nalogom Ustavnog suda BiH izvrši svoje ustavne obaveze i osigura poštivanje ljudskih prava tako što će poduzeti mjere sa ciljem da apelanti naplate svoja potraživanja u razumnom roku i da najkasnije u roku od šest mjeseci od dana dostavljanja ove odluke obavijesti Ustavni sud BiH o preduzetim mjerama radi izvršenja ove odluke

Prema Izvještaju ASA Banke DD Sarajevo (pravnog sljednika IKB dd Zenica) od 22.01.2019. godine, Rješenje o izvršenju Broj 43 0 P 006181 10 I od 11.05.2010. godine (Lekić Hamdo i Lekić Drinka za naplatu glavnog duga u iznosu od 7.288,80) nalazi na spisku rješenja za prinudnu naplatu na 770. mjestu.

Povodom upita Ureda zastupnika/agenta Vijeća ministara BiH pred Evropskim sudom za ljudska prava u vezi načina rješavanja predmetnog slučaja pred Evropskim sudom, ističemo da je Zeničko-dobojski kanton po identičnim upitima koji se odnose na zaključenje prijateljske nagodbe, predlagao nastavak postupka pred Evropskim sudom, jer nije bio u mogućnosti prihvatiti prijedlog da se slučaj riješi prijateljskom nagodbom, iz razloga što nisu bili ispunjeni uslovi za isto, te ukoliko i po predmetnom upitu nije došlo do promjene okolnosti, mišljenja smo, da nisu ispunjeni uslovi da se predmetni slučajevi riješe zaključenjem prijateljske nagodbe.

Bitno je istaći da je Vlada Zeničko-dobojskog kantona, postupajući po uputama iz obrazloženja ranijih odluka Ustavnog suda BiH, te Evropskog suda za ljudska prava, u kojima su razmatrana pitanja neizvršavanja rješenja o izvršenju na teret sredstava budžeta Zeničko-dobojskog kantona, poduzela niz mjera za obezbjeđenje sredstava za isplatu novčanih potraživanja (sačinila ukupan zbir potraživanja na teret Budžeta Zeničko-dobojskog kantona, listu svih potraživanja, centralnu evidenciju svih povjerilaca, vrši redovno ažuriranje podataka, te evidenciju o isplaćenim povjeriocima) i iskazala spremnost da se planiranjem svake godine adekvatnih iznosa u Budžetu Kantona, iz kojih bi se mogla izvršiti postepena isplata dugovanja svim povjeriocima u razumnom roku, u skladu sa važećim federalnim Zakonom o izvršavanju poštivanja ljudskih prava – prava na izvršavanje pravosnažnih sudskih odluka iz člana 6. stav 1. Evropske konvencije, uključujući i pravo na imovinu iz člana 1. Protokola 1. uz Evropsku konvenciju za zaštitu ljudskih prava i osnovnih sloboda.

U naprijed navedenim odlukama Ustavnog suda BiH je izričito navedeno da "Ispunjavanjem navedenog i planiranjem adekvatnih novčanih iznosa u budžetu svake godine iz kojih bi se mogla izvršiti isplata svim povjeriocima u razumnom roku, Zeničko-dobojski kanton bi ispunio svoju pozitivnu obavezu osiguranja poštivanja ljudskih prava (konkretno prava na izvršenje pravomoćne sudske odluke iz člana 6. stav 1. Evropske konvencije, uključujući i pravo na imovinu iz člana 1. Protokola broj 1 uz Evropsku konvenciju (tacka 48)".

S tim u vezi, u toku je postupak donošenja Akcionog plana aktivnosti potrebnih za izvršenje generalnih mjera naloženih Presudom Evropskog suda za ljudska prava, kako bi se utvrdio realan vremenski okvir za izvršenje istih, koji će Kanton moći realizovati u narednom periodu, imajući u vidu prava apelanata i drugih tražilaca izvršenja, a ne dovodeći u pitanje ostale ustavne i zakonske obaveze Kantona.



Kantonalni pravobranilac

Marjanović